

Shin<sup>3</sup>, shang<sup>1</sup> foun<sup>4</sup> tchoung<sup>1</sup>  
tching<sup>3</sup> ló<sup>3</sup>.

Bien vivre pour bien mourir.

1852

en 2 tomes



MAISON MÈRE DES SOEURS  
MISSIONNAIRES DE L'IMMACULÉE-CONCEPTION  
2900, CHEMIN SAINTE-CATHERINE  
VILLE-DE-MONTRÉAL, MONTRÉAL, P. Q., CANADA

MAISON MÈRE DES SOEURS  
MISSIONNAIRES DE L'IMMACULÉE-CONCEPTION  
2000, CHEMIN SAINTE-CATHERINE  
NOTRE-DES-NEIGES MONTRÉAL, PRÉ<sup>e</sup>  
De l'Immaculée Conception  
314 CHEMIN STE-CATHERINE,  
OUTREMONT - - MONTRÉAL  
CANADA

降生一千八百五十二年勸刊

善生福終正路



司牧趙方濟准

SJCC

遠西耶穌會士陸安德述



天主降生一千七百九十四年  
主教亞立山湯准

自序

凡在教之人其功不可不盡而其福亦極其盛大此福非他福可比乃神福也但旣是神福無像無形人鮮能明徹其理故聖教中有如許神福猶

山中有如許寶藏特人不能識之耳  
惟不能識之是以輕忽之以爲無用  
之物卽用之亦懵懵而混用之終無  
益也善取寶者掘開深鑽勿辭勞瘁  
旣得其寶種種具備而心始快夫積

善功求主祐亦猶是也不如此則神  
福不爲我有愆尤日積主必加罰矣  
吾主耶穌嘗取譬以訓宗徒云昔有  
國王將巡所屬國詔臣十人各授以  
厚賞且諭之曰慎之勤之理吾業而

倍吾財及歸召臣問之一臣云臣受  
一加十以報王也王喜嘉其勤勞賞  
治十城一臣云臣受一加五以報王  
也王亦喜嘉其勤勞賞治五城又一  
臣云臣已知王之森嚴前無稼而尚

欲收之臣不敢輕用謹藏之今送歸  
王王怒而重罰之焉由是觀之財亦  
貴於善用耳能善用之以財加財況  
神功乎能善用神功則亦因福而加  
福也可知神功乃無價之寶其寶何

在彌撒是也彌撒包涵吾主萬功聖  
體卽是吾主及吾萬美好之所聚告  
解補贖然後敢領降臨吾人心中爲  
永福之行糧求聖母者因聖母爲吾  
人所倚賴必允我所求也總之吾主

耶穌苦難乃萬寶之根源聽講天主  
道理及看聖教諸書是學取寶之法  
祈求是掘鑛之功苟不能修身理家  
此心擾亂必不能得此寶不得此寶  
卽無功可登天國矣余故作爲此書

自序四  
引導善生福死先論修身理家後論  
聽講天主道理及看聖教諸書再三  
開諸般寶藏分別其善用之法終指  
福死之方凡我同志幸留意焉毋視  
爲迂遠而棄之也

遠西耶穌會士陸安德 撰





三月

善生福終正路

卷上

遠西耶穌會士陸安德泰然甫著

吾人常常當深想永遠無盡之事。永遠無盡之事有兩樣。一樣在天堂。一樣在地獄。天堂是永福之所。地獄是永苦之所。永福是諸美好。諸善樂。無邊無盡之海。無窮榮福寶座。無限光榮之冕旒。無夜之晝。不盡之樂。諸願欲之飽滿。諸福永遠齊享受。不雜毫凶。不危失。不變更。沒有盡頭。永苦是常受暴死。諸苦。在不

滅火海內永燒。諸苦衆難一齊都受。無改變。無輕減。  
無停歇。又不減一些苦。沒有盡頭。今人將一手指在  
火裏燒。尚忍不得。何能永居地獄火中。是以世人該  
早作善謀。以免永苦而享永福。多默木樂大賢者。居  
高位時。國王使他背聖教。他不從。國王大怒。因而將  
殺之。其妻勸他順國王命。尚得安樂幾年。木樂應諾。  
說我順國王。有幾年安樂。其妻云可二十餘年。木樂  
云爾。真是愚蒙。使我散去無窮。盡榮福。換二十年安

樂

有一罪人不肯做苦功受罪罰聖女裏都意納同他說我替爾受罪罰爾今夜單睡在鋪蓋上不要轉動他笑以爲容易及至睡時自安不得便要轉動乃說一夜不轉動尚忍耐不得如在荆棘上睡一般又自思說我今在柔軟鋪褥上還不得安這一夜像似一年我既有罪該下地獄在火中永燒何能當受畢竟要管我靈魂我得罪自然該受罪罰於是卽去修道

多做苦功學福死之法以免永苦。

永福永苦皆係屬於死時頃刻間。死又係屬於生平之時。凡人善生則必福死。若是惡生。少有福死。所以人皆當善生方能福死。善生卽是守十誠。但人自染原罪之後。其性軟弱。難以作善。易迷於惡。每有阻碍。况有三讐引誘。必須勤用多工堅心向善。方能易守。如破屋須用木擰。如師戰可整利器。豈有不可用力。發奮爲善生諸理。一是修身。二是理家。三是祈求。四

一走看聖教書。五是聽講。六是解罪。七是領聖體。八是  
聽彌撒。九是懇求聖母。十是向吾主耶穌釘十字架。  
後纔講禱死之法。





修身之法

世人最緊要事。是顧自己靈魂。吾主說。若人得天下。  
散失自己靈魂。有何利益乎。死時一些帶去不得。尚  
要下地獄受永苦。故須要修身。修身即是守十誡。成  
智義勇節四樞德。又十四哀矜之功。及超忤三德。但  
守十誡。成諸般善德。立我心志。須勉。無發奮。其功甚  
多也。

一是想天主生我。令我在世上時。勤積功勞。可得永

福我行天堂路不可微錯寧受萬苦而死不可犯十  
誡犯者下地獄受永苦永福永苦須常懷心中凡起  
念頭發言語做百工常要向天堂永福

二遇患難時要忍耐想是吾主耶穌所開天堂正路  
吾主受難先爲引導若遇平安用節德不享過分之  
樂。

三始發言及初行百功時必先要想善言善行之法  
四用心看顧上下左右之人凡施與衆人當施其所

該施

五心中常懷吾主耶穌苦難及聖母哀矜之情而求爲托賴。

六不可空閒多瑪斯聖人說空閒是魔鬼的釣餌若無事依理放心安息一些歡喜亦可但歡喜時不過消散煩悶養蓄氣力而已不可過度要得其時得其理聖若望同門徒安息歡喜一人帶弓箭行過見聖人歡喜心內怪異聖人知其心叫他拉弓他便拉聖

人說盡力拉。他亦盡力拉。聖人說再拉。他說若又拉。  
恐壞弓。聖人說人之心亦是如此。若過用急切。未免  
損傷。奉事天主。若得空。可歡喜一時。隨又發奮。奉事  
天主。方能長久。

七、雖無人見時。益當謹慎。人尚不敢在善人之前作  
不善事。而敢在天主前作之乎。天主無所不見。護守  
天神亦見。故人不可私居作不善之事。  
八、要定每日神功。初醒時。卽立志誠心奉事天主。凡

作工夫。念頭言語都爲中天主意。以得永福。定心行  
善。求天主寵照。及至下牀。就念經祈求。得閒便聽彌  
撒。凡作事不拘何工。都該用心善行。做完察果善否。  
不善卽當痛悔。善卽謝主。將此善同吾主耶穌功勞。  
奉獻於天主。飲食時立定心志。養此肉身之力爲能  
奉事天主。卽想吾主在十字架啖苦味。便不敢貪食  
好味。謝天主養我罪人。便不敢放肆過於飲食。但使  
足以養氣力而已。又每日行事。想到死後積不得功

勞悔不得罪。不能改過。卽該發奮在今日行之。晚間  
將睡之時。省察後灑聖水。想睡時節或死。曾善備福  
死否。預想明早起身時。該默想何端。睡時須莊重。守  
九該克己七情。吾主說。強壯克己。得天國永福。若魔  
鬼引誘。卽時逆逐。聖經說。擊去魔鬼。魔鬼卽退。若不  
順他。必不能加害。若有得罪天主。速痛悔解罪。  
十。雖沒有大罪。每月該兩次解罪。一次領聖體。領聖  
體時。立心改過遷善。今月必要改某項罪過。遷某種

善德瞻禮之日聽講道看天主聖教書

十一與人交接當真實行動合禮節待人要良善慈  
恕待己要嚴勵克責不善朋友勿與交如虛假不忠  
驕傲讒佞無恒貪利等人當避之若真誠良善忠直  
謙和恒心不發人陰私之事如此等朋友俱可愛可  
敬當與之相交若見友有大罪不可過責不可傳說  
暗地勸他改過若不聽漸漸離他若改加愛敬他若  
有小罪從容溫語勸他改若不改暫忍受之我若有

罪。要聽好友勸改。同好友合心奉事天主。傳天主聖教。若朋友非理害人。不改過。速離之。若他引我同行。非理之事。决不可從。若友有難。可救濟他。善友是寶藏。尤該尊貴。若舊善友不可棄絕。

十二 凡買賣不可騙人。不可受非理財物。騙他人財物。是騙害了自己靈魂。聖人方濟各去買一物。其人騙他。聖人說。爾好用心。恐騙了自己。被人笑說。何爲騙已。聖人說。爾今騙我銀。不過小事。然害了自己。永

福大事可乎不可乎。

十三遇吾主聖誕。及四十日大齋內。聖體大瞻禮。聖母聖誕先後。可察已所行善否。及遇得罪危險之所躲避否。與有爲善機會。勤謹爲否。又想若今臨終。到了我死的時候。如何誠意遷改。在生當如此準備善行之法。亦察罪根惡習。心內邪情。都該拔去。每晚未睡前。須想若今睡時死。可以善死否。

理家之法

天主賜我爲一家之主。不免要審我善理家否。必該  
管其家人。令奉事天主。不做魔鬼之奴。凡家人做諸  
般好事。皆由家主善理其家來。做諸般不美事。皆由  
家主不善理其家來。家主雖是好人。若不理家人善  
惡。單有此罪。不免下地獄。理家之法有多端。一是家  
主當作善德表樣。若家主先不循理。家人安肯行善。  
二是家主須使家人守修身之法。家人有過。當依理  
責罰之。倘有侮慢天主。及拜佛菩薩等邪教之事。是

極大之罪。該重重責罰。三是家人病重。令他解罪。方能善死。亦要醫治他。照顧他。四是該用良善之心。慈愛家人。每各施其所該施。則家人亦愛敬家主。甘心率教從命。五是第一要看家人都守十誡否。察其解罪否。又須查其善惡。善事令其常爲。惡事命其速改。蚤晚率其念經祈求。看聖教書。瞻禮之日。要聽彌撒聽講。若其中有遵教規而爲善者。加愛而賞之。若屢次犯重罪不改。要同賢者商議。該如何行罰。六是不

可使家人空閒。亦不可使他辛苦太過。七是當管束家人。和于鄰里。不可將家中事傳與外人知。家中人亦要相和相愛。若相和相愛。天主便在家中。八是常常祈求天主。爲家中衆人善行。九要照管幼年之人。離遠他的視聽。使不看不善之事。亦不聽不善之言。不交不善之友。何也。因爲幼年人易染於惡。習熟後難以改。故當用良師賢母教訓。以漸成其善。有一國王。名亞勒山德大。因其幼年學乳母醉酒。及長成。改

不得。若父母有不善的表樣，尤害其子矣。十、是幼年  
人要教他怕得罪，並愛敬天主及守貞潔謙讓忍耐  
義德，憐恤窮困而施濟之，不敢短少人工資，從小教  
他念經，向吾主告難，望聖母如子，望母親一般，求本  
名聖人護守，天神保祐，至七八歲便教他解罪，學聖  
教緊要事情，要用心管其靈魂，看他性情不甚好，須  
從容引他改責，他不可過迎，亦不可過緩，要令其知  
愛父母，亦知懼父母，不令他閒，須定讀書之規，及頑

要之時候。十一家人升天堂下地獄二天事。大半關係於家主。若不勸戒其善惡。非是小罪。今重害他人肉身。猶是大罪。若重害家人靈魂。安得不是大罪。



祈求天主之法

祈求天主。是立定心志對越於天主。稱讚天主事情。  
求賜寵祐。祈求之奇妙有五。

一、祈求是最上工夫。立志要想天主心內上通。超於  
世物之外。在天主前稱讚天主事情。通我願欲於主。  
奉我心獻我情。承行天主聖旨。懇求善事。而望准我  
所求。如此祈求。則天主善德深合吾心。必然成我善  
人。譬相交善友。亦習效其善。對於天主至聖之前。

豈有不效其善乎。亦有時發現於外。粹然光明。如梅  
瑟聖人。祈求時。面上發光。人不能視。但少有人熱心  
祈求。倣效主德。改過遷善。是以莫能上通耳。若人只  
務念經。並不改過遷善。其爲自誤也。何如。

二、祈求是心中畧享永福之味。受極大快樂。蓋享永  
福。是明見天主。畧享永福。是默想天主事情。所以聖  
人於世上快樂。卽是祈求天主之時。聖人安當終夜  
跪祈。一夜如同一刻。聖人方濟各沙勿畧。亦終夜祈

求其心充滿快樂。但在世上猶是世人之心淺窄難以容受。所以開衣高聲云。吾主已滿足矣。吾主已滿足矣。

三、祈求有大益。天主賜寵祐諸恩。皆因祈求施於人神內。吾主說。凡事求天主。皆得遂意。又指引善求之法云。求天主聖父。若稱我名。就是求天主。看吾主功劳。便准所求。吾主又勸衆宗徒。敢求。云。爾們未曾稱我名。求聖父。敢求就得所求。但不可求看已之功勞。

如此傲心去求。不得所求。或說我求天主不得遂意。  
不知何故。答曰。或我不善求。或差錯求。就是所求反  
害我事。天主愛我故不准。卽賜與我別樣好事。天主  
斷不辜負人之求。有許多聖跡。今畧講二三。

昔古教民同讐人戰。聖人梅瑟在山上求天主。卽勝  
止息不求。卽敗。後告知聖人。便常常求。于是全勝讐

人

聖大足老主教者。常諫國王。王憎之。特命一人告其

占奪。王責聖人。聖人云。是我在他父買來。給主。堂用  
但未有文書耳。其中人畏王。不敢証。聖人云。求寬三  
日。命伊父証。他父已死三年。王及衆臣微哂云。爾且  
叫他來。聖人齋戒三日。祈求天主。乃往開其墳。替主  
命其復活。其人卽活。同聖人往見王。明証其實是賣  
與聖人。已得價足訖。且責其二子妄告。王及衆臣見  
之皆驚駭。聖人問云。爾還願居世。亦准爾。彼云。謝天  
主。我已得好所。不願在世。願還原處。求主爲我。于是

當衆前遂入墳內矣。

聖人貌利畧。亦是主教者。做彌撒時。有人告他說有  
孩子臨終請去傅聖油。聖人做彌撒稍遲。孩子已死。  
聖人恐已有罪。心中甚愁悶。遂棄主堂過海別處修  
道。重罰已畢。過海時。堂中鑰匙落在海中。聖人說是  
天主意。就許願。若鑰匙不轉到我手。我斷不回堂。  
其教中人願見神父。遣許多人遍處尋覓。及至七年  
之久。有一尋覓之人過海。見一魚躍船上。將魚剖開。

見腸內有主堂鑰匙。心爲聖人已沉海死矣。及過  
海偶到一修道家。遇見聖人。卽求他問堂。他說我已  
許願。若不見天主堂鑰匙。决不問。其人將鑰匙送上。  
聖人問堂。惟下淚不止。祈求天主賜孩子復活。後開  
墓替主命他活。果復活。聖人爲傅聖油。及長大教他  
天主聖教諸端。聖人死。他替聖人主教。

四。祈求是緊要之事。吾人在世居三讐中。若不求全  
能。天主保祐。安能得勝三讐。一是魔鬼。又極多。又利

害。有多般巧術騙人。一是世俗。卽是世人差用之思  
念與所行。若人不順從。則笑之。或侮辱之。若人順從。  
逆理妄爲。如急灘中船。任其順流。必至破壞。三是肉  
身。五司七情。擾亂于中。如城外旣多敵人。城內又有  
奸宄。倘一開門。敵卽入城。是肉身開五司七情之門。  
魔鬼世俗。卽來害人神魂。且人自染原罪後。又甚軟  
弱。如無天主寵祐。不能勝三讐之誘惑。要祈求全能  
天主保祐。方可得勝。所以聖多瑪斯說。人若不祈求。

如與人師戰不持兵器又賢者說人若一日不祈求天主是最可驚之事。

五、祈求是極易之事。或說念經祈求不難。但默想祈求爲難。不知念經亦要默想。若念經不想。是如鶻噪。但念經默想俱是靈性所常用之工夫。故不是難事。今祈求旣最高最有益。又最緊要。最易工夫。抑且心中受享大樂。豈可不專務祈求。

祈求之法有四

一祈求是高上工夫可堅心立志在主前祈求時  
但要以爲我跪在天主聖像前亦要信天主無所不  
在。今我真正跪在天主前謙心敬拜。如古聖亞巴郎  
說。吾是塵灰之人同至尊天主講話。如聖經所云。  
個罪人在天主堂不敢仰而但俯首捐心說。哀憐我  
罪人。

二奉我之心及我之念頭。我之願欲於天主。棄去世  
上一切思念。

三、熱心祈求。如窮人在富貴人門首呼號。  
四、祈求天主加寵照能善。祈求這四端。祈求之先或是念經，或是默想，常常要用。

念經祈求、總牘內最多精妙的經，不須再寫。若沒全總牘，有小總牘亦可。

念經時要想所念經言通達經中之意，或想我是罪人在天主面前祈求，或想天主慈悲，或想天主義德等事情，堅心望准我求定改罪過。首先定志，改其常

犯之罪不可妄想妄視或看聖像或看地下須莊重  
誠敬不可作模樣不可輕易咳嗽在天主堂益當戒  
慎

### 默想之法

默想是神靈工夫深想道理窮究明白而善用七情  
懇求善德去凶惡心內勤求口不出聲默向主前如  
有罪之人向慈悲之主默想十誡教會四規等善德  
之法必要明白誠內之意察已守得那一誡若守了

謝天主。若未守。痛悔定改。求增寵祐。

默想四末。死候審判地獄天堂。想那一末之道理。懼那一末所有之凶惡。望天主准免。求賜寵祐。可爲善備。

默想信經。要深明那一端驚異所可異之事。愛慕所可愛之事。憎惡所可惡之事。羞愧所可愧之事。定心善行。謝天主恩。今列各端默想法於後。

默想十誠表樣

一欽崇一天主萬有之上。想我立心必要欽崇天主。  
察曾守此誠否。天主是至尊至大。可愛可敬至極。我  
反以冷淡傲心去拜可乎。卽當痛悔我罪。定心改過。  
熱心愛慕謙恭拜謝。

二母呼天主聖名而發虛誓。想極當恭敬天主聖名。  
察有非理之誓。便是輕忽天主聖名。若發虛誓。益欺  
慢至真實之天主。痛悔定志遷改。求寵祐恩庇。各誠  
俱作此想。教會四規。五司亦作如此想。如想天主賜

我目爲依理看。察有縱視非理。卽痛悔定心莊視。嚴拒邪視。罪宗七端。亦如是想。如想驕傲。是魔鬼之事。情察我有驕傲否。若有。痛悔定改。遵守謙讓。聖教諸善法。皆當作如是想。

默想四末表

默想死候第一末

首分想。人死魂離肉身。盡棄世上一切所愛。肉軀朽爛。靈魂定要赴主前審判。豈不可輕賤諸般暫時之

事。而慎謹顧靈魂之事乎。二分想。人定有一日死。但不知死之時候。不知如何死。不知善死否。豈可不懼。若忽然惡死。能免下地獄乎。三分想。死單是一次。若一次差錯。不能有第二次。可遷改而得善死。聖人尚畏之。况吾罪人。豈不可畏。望爲吾主寶死之功。望聖母轉求天主。賜我善死。倘今卽死。察心中或有何等罪惡。須堅定決去解其罪。又想缺何善德。阻我不得善死。必求此善德。方能得善死。

默想審判第二末

首分想。至智天主。詳細審我。至義天主。威嚴判我。若判下地獄。魔鬼卽拉我下地獄。豈不可怕。二分想。我昔日之罪。不知天主曾赦我否。審判時。不得痛悔已罪。用不得吾主功勞。求不得聖母。何爲不怕。三分可想天主慈悲赦我。須用吾主功勞救我。懇聖母代我轉求天主。每日省察。我之念頭言語工夫。審判之時。都要呈露。今當蚤定。思念言行。俱當依理也。

默想地獄第三末

首分想。下地獄。五司受一日般苦。目見可驚可懼之形。耳聽諸痛苦傷慘之聲。鼻聞諸汚穢之臭。口常啖萬種毒味。身軀常在烈火中。二分想。若我明知已有大罪。如何不懼。何能安心。卽不記得已有大罪。亦不可不懼。聖經說。誰人真知已沒大罪。三分想。我能忍受永遠火中燒否。不然。要豫先爲計。能免下地獄。故要每每痛悔解罪。向吾主上傷懇求聖母爲我等罪人。

今祈天主及我等死候

默想天堂第四末

首分想天主生我爲享天堂永福。天上萬福都是與  
我不享受我心所願諸般之福都一齊享受滿足其  
心。又此福永遠總無窮盡。必可立志。直行天堂之路。  
二分想吾主被釘死爲我。能得享真福。惟恐得罪。失  
此大福。辜負吾主苦難。二分想天主無窮慈悲。及吾  
主五傷之功勞。聖母之托賴。方能望吾主賜我昇天。

定心做本分。守十誠。行天堂之路。心中常想望天堂。  
永福百般工夫都可行。爲得永福。定戒諸般邪樂。忍  
受苦難。爲得永福之報。

默想信經之表七端

默想我信全能者大主罷德肋造成天地第一  
端

首分想天主從無物中。一命就成天地人神萬物。便  
驚異天主全能。一命就成許多大事。觀天地之大。萬

物之美麗。日月星辰之光。百穀珍饈美味等事。便驚異天主本性。超出萬妙之妙。豈可不愛。一分想天主生天地萬物爲我用。生我爲奉事天主。得享天堂永福。用物須察這物。阻當我服事天主。走天堂之路否。若見阻當這大事。是如這物有毒藥在內。則不敢用。若無阻當。憑我用。愧因我享用萬物。反犯天主之命。痛心慘悔我罪。定心愛天主萬物之上。三分想萬物。是爲我走天堂路用。用物該想直行這路否。若我單

想用的物。不想謝天主之恩。不想走永福之路。吾人  
何分別于禽獸。單見眼前之事乎。求加寵祐爲恒心  
奉事天主。走天堂路。

默想我信其惟一費客耶穌。邦利斯督及降生  
第二端

首分想。天主聖子。哀憐吾衆。降生贖我。便驚異全能  
天主。做我軟弱人類。在世上同人相交。便驚異吾主  
無限愛我之情。深愧我無情之人。忘此大恩。二分想

吾主在世的時。戒諸般世樂。忍耐諸般世苦。謙讓溫  
良。與人爲友。爲諸德表樣。爲吾人從順吾主。直行天  
堂之路。三分想。順從吾主表樣。是我之極大光榮。因  
爲吾鄙賤罪人。效至尊天主萬德。得罪的時。爲魔鬼  
之奴。今從順吾主。爲天主孝子。豈不是大光榮。

默想我信其受難第三端

盲分想。吾主受許多苦難。許多侮辱。被釘死。爲我。便  
驚異吾主萬福之源。至善之主。受許多苦擔我罪。如

罪人被釘死。一分想吾主無限至情愛我贖我不做  
魔鬼之奴。專望用吾主萬苦以得昇天深愧我常得  
罪。是如又釘吾主十字架一般羞愧定改三分想吾  
主生我故眞是我之主。雖我受萬苦致命亦是分中  
之所宜。况吾主旣被釘死贖我若但以我之軀體受  
萬難屢次致命必不能報答天主之恩。但奉吾主大  
苦同我輕苦方能還謝求增寵庇庶不辜負吾主之  
苦。

默想我信吾主自死者中復活及昇天第四端  
首分想。吾主耶穌復活。滅諸傷單留五傷與我看。明  
知主愛我無窮之情。而望赦我之罪。看吾主復活之  
諸美福。驚異歡喜。而望日後也賜我復活受福光美  
麗。二分想。吾主昇天。衆天神聖人認耶穌爲天地真  
主。敬拜讚誦。便驚異吾主光榮之福。無限之權。無量  
之高位。而愛敬之。三分想。吾主昇天。開天堂門。爲我  
能進。我乃懈惰不肯進。今定勤守十誠。行天堂路。奉

我愛欲諸情於吾主。不可愛世上之事。以分其心。專務求寵祐。

默想審判生死者第五端

首分想審判之先。種種凶兆可懼。天下處處相亂相殺。多降災荒。人民餓死。瘟疫盛行。全地大震。海水流溢。多方沉滅。天文變易。後降大火。焚世人物。驚怕世上人物化作灰塵。二分想。主命衆人復生。到審判之處。吾主耶穌降來審判。賞善者昇天。罰惡者下獄。驚

懼吾主嚴威審察。聖人尚畏。况我罪人。豈有不畏。三分想。吾主豫告我先備。又施與我無限功勞。爲我用免下地獄。羞愧我貪世上不久之事。定志改過。須望天上永福。將我百工同主。無限功劳。奉於天主。爲能稍贖我罪。求吾主加我寵祐。

默想我信有聖而公。聖教會諸聖相通功第六  
—— 端

首分想。我在聖教中。有許多奇妙之事。在其中。若人

善用。作得聖人。有許多人善用。積奇妙善德已成聖人。一分想。教中人同在天堂。聖人爲弟子。有相通功。看許多兄弟。成善享福。深愧我不會改過遷善。定心成善。効天上兄弟。又世上無罪人。亦是兄弟。俱有相通功。三分想。在煉罪地獄之靈魂。火中煉其罪。亦是我之兄弟。羞愧我忘在煉獄兄弟。定做苦功救他。今奉百工。同吾主功。及諸聖人功勞於天主。求天主看。教中人功勞。哀憐我。保佑衆生死者。

默想吾信肉身之復生我信常生第七端

首分想。日後衆人本身都復生。善者之體有福光。常享萬福。惡人之體有火燃。常受萬苦。總不能損壞。便驚異善人卑賤肉身。在世上受許多苦。復生變成極尊貴之軀。且有福光。傷壞不得。二分想。我若做本分守誠。日後亦可復活受福光。享諸般福祿。無算的年。總不怕諸般之苦。而享受天主諸福。三分想。我養此最卑賤之肉身。只願受世上肉身暫時之樂。不久之

生命不求神身。常生永福。今定心務求永福。暫時克己爲得無窮之世。享真福祿。奉獻于天主。所忍患難。求常生永福。

默想所受天主恩七端

一默想造物之恩

首分想造物之恩。天主造成天地萬物。皆爲吾人。生天蓋我。生地載我。生萬物養我。都爲吾人。平生受用二分想。天主生我。我之身體百肢。靈魂生命。都是天

主之恩。天主又另外預備天堂萬福爲吾人永遠享受。若我肯依十誠用世物易走天堂之路。自然熱心感謝天主愛恩。主于萬恩之上。三分想我用萬物。縱百肢五司生命。以犯天主之命。走地獄之路。當羞愧而定心依十誠用世物可耳。

## 二默想存物之恩

首分想天主存我存物不然歸無就是如再生長存我存物是如長又生二分想我生命五司百體諸般

的事物。繫屬於天主。如日光繫屬於日輪。日輪墜西。  
天下無光矣。如此。天主不存人物。人物歸無。而我顛  
病。敢得罪天主。三分想。最可驚懼。得罪之時。或使日  
不光照我。或瞽我目。或令我死。速下地獄。若主尚寬  
我不卽下地獄。是天主大恩。感謝主恩。要熱心敬愛  
定心遷改。

### 三想降生之恩

首分想。天主生天地萬物。是賜萬物與我等。降生是

將自己授與我等。尊貴吾人類立人性有天主位。使人敢稱天主。是我等父。敢稱吾主耶穌。是我等兄。看吾主如何愛吾人。吾人何能報其洪恩。定心行百功。要與在天我等之父相稱。一分想。吾主傳降生之恩。送我聖體。每每降來。在我心中。養我靈魂。此真是無限恩。越發想。越發驚異。三分想。我之功行。不能少報。吾主諸般之恩。當何如奉事吾主。若爲天主生我。生我之諸物。我不足報答天主之恩。況爲降生及聖體。

之恩。我罪人何能得報答。但旣吾主施我自己的功勞。我用此無窮之功勞。奉與吾主爲謝降生洪恩。求加寵祐。以能成善。免辜負吾主洪恩。

四想受難之恩

首分想。吾主耶穌贖人之罪。在世上三十三年。受萬苦。終流汗血。許惡人縛束。妄告侮辱。掌面鞭打。不下五千。受茨冠。被釘十字架而死。爲贖吾衆。此真是極愛吾人。二分想。我該下地獄。受永苦。今旣吾主受萬

難。賜我天堂萬福中有分。此種洪恩人想一想不能  
盡明。吾主愛吾人無窮的情。該日日心中加越大愛。  
吾主的情猶爲不足三分想。吾主惟一功能贖萬民。  
但爲我能認識吾主愛我無窮盡之情。甘心受萬苦。  
贖我天主一命。卽生天地神人萬物。及贖我必三十  
三年受苦。後被釘十字架死。今吾人當做何功爲吾  
主。當如何愛主。若受苦難。益當忍耐。

五想領聖水之恩

首分想。領聖水之時。盡赦前時諸罪。加聖寵。爲天主  
義子。凡天堂福。及主耶穌功勞。彌撒聖體等。無窮寶  
藏中都有分。諸教中人功內。有相通功。領聖水之時。  
凡此許多恩。一齊皆受。二分想。天主不賜此等洪恩。  
於多賢尊之人。獨賜我進教受許多恩。當感謝天主。  
惟恐得大罪。失許多恩。三分想。我是天堂的人。天主  
義子。不可鄙賤心志。愛世福。少想天堂的福。真是如  
孩童在泥爛中染污。當做百工。心在天上。不敢想世

界賤事耳。

六想赦罪之恩

首分想。尊貴天神。一得罪天主。不赦他。卽罰下地獄。  
爲魔鬼受永苦。天主獨哀憐吾衆忘恩之罪人。定以  
告解之時。救我萬罪。又贖我不做魔鬼之奴。加聖寵。  
又賜我爲天主義子。天堂無窮的福。又聖教會寶藏  
中又有分。當感謝主恩。定志不敢再犯。得罪天主。失  
此諸恩。二分想。我忘恩的人。屢次解罪。受此許多恩。

後每每又敢得罪天主。又做魔鬼之奴。地獄之人。可羞定改遷善。三分想。得罪都是爲些小邪樂些小利益。爲虛假光榮。失此許多恩。染許多可怕之事。何不怕懼。若早不改過。惹天主義怒。罰我下地獄。

### 七想常受之恩

首分想。我諸般好事。都由天主發出來。若免凶禍。亦是天主恩。卽受萬苦難。亦是因煉我罪。積功勞。我生命舉動百行。都由天主有。惟我之罪。由我發出。一分

想天主極愛我。屢屢不許我得罪。禁魔鬼引誘。若有時許他引誘。常加寵照於我。若我做本分。能勝邪魔鬼。積功勞。又賜我一位最尊天神護守。我何不愛吾主。何不感謝主恩。三分想。我身神日日受許多不認得之恩。感謝天主。定心依理用所受之恩。服事天主。利益靈魂。

默想完。可省察如何默想了。看這默想盡明白否。深動七情否。堅心定志否。一心奉獻否。祈求之時。熱心

敬愛懇切否。又察若有妄想。或有往來念頭。曾退去否。若懈怠默想。要痛悔定改求赦。

### 看聖教書之法

祈求天主。是我對天主講話。看聖教書。是天主同我人講。則看聖教書與祈求相近。看聖教書有大益。善者看之成善。惡者看之改惡。聖人奧斯定未領聖水時。看聖安當行實。就改過遷善。領聖水作大聖人。若望葛隆俾諾聖人未成聖時。有妻最賢。常打罵其妻。

其妻忍受。並不出聲。一日回家要飯食。一時未便發怒。其妻將諸聖人行實送與他。說爾看這書。我就送飯。他便發怒。拋書後。怒氣漸消。將這書看。偶然展開。見聖女瑪利亞厄日濟亞來歷。他心就改變。悔過遷善。便成個聖人。聖意納爵。先是英雄將帥。臨戰時。被砲傷足。回家醫治略好。討兵書看。消悶過日。時值家裡未有。但將諸聖人行實送上。他無奈。只得看這書。良久。他心徐徐感動。效諸聖人善德。卽成大聖人。看

聖人行實可想聖人榮福。要向天上的福。看聖人在  
天尊貴。懇他轉求天主爲我看聖人大德。想他亦是  
人。如我一般。我若發奮效聖德。求天主加寵祐。亦能  
成聖。看各種聖教書。不可貪多。該徐徐精細去想。方  
能受其利益。又可想何能利益他人。若遇奇妙嘉言。  
須留意思想。不可忘記。不但探其奇妙。可爲智者。更  
該感動我心。改過遷善。論讀書。若只爲光榮。爲富貴。  
不過是空虛之事。若爲通徹天主道理。發心信愛利。

已又利人更爲奇妙有大功昔一善女祈求之時見  
聖母在讀書人墓上問聖母是甚故聖母說我來帶  
這讀書人靈魂昇天因爲人費心讀書爲通徹天主  
而加愛又爲利益於人是如致命爲天主一般讀書  
善意甚多爲認得天主而愛效法聖人爲不肯閒願  
避不善朋友能教人爲善等讀書先要正心中天主  
意思求天主開我心學奧妙道理讀完謝天主光我  
心而求實受其益

聽講之法

聽講天主事情。是聽天主與吾人講話。蓋天主用人教人。令人自謙虛遜讓爲聽講者之功。天主亦光傳教者之心。使他能善講。

有一位大善者看聖經。遇有一句不明。數日齋戒做苦工。下淚求天主開他心。爲明達這一句聖經亦不能解明。心中思想要去問人。未及到而天主開其悟心。就明白矣。

有一人往靜處修道。其功勞甚大。每日天神降來。同他講論。但此人愚蒙。學念異端經。偶然有人來教他。不可念。此是異端的經。及後見天神至。因問云。我差誤念經。爾何爲不教我。天神說。天主旣定用人教人。我怎敢犯天主所定之規。

又一位大賢士。與別位善講道的相左。不肯聽他講。至聖人斯德望瞻禮之日。這賢士到天主堂偶遇那位善講道的講道。他講聖人斯德望致命時。見天開

了。今既天開了。人何故懈惰而不肯進賢士聽此一句言語。其心便感動。就去修道。

聖人安多尼講道。有異端不肯聽講。聖人去海傍命魚來。便云人既不肯聽講。天主事情。魚爾們來聽。就有許多魚。大小俱備。列在近岸不動。聖人說。天主生養爾們。可感謝天主恩。如此講有許久。羣魚點頭講完。魚又點頭。聖人作十字降福。衆魚再點頭。始散而去。

有兩位修道的人行路既晚，在空野之地，沒處安歇。又無飲食，又怕虎狼，求天主保祐。望見遠處有燈籠，忖度前必有人住。及行到見有大屋，敲門求歇宿。一夜，即時門已開了。有多修道之人，衣白衣，迎這兩位修道人去。禮文欵待，飲食豐厚。宿一夜，會長請兩位講道。有多白衣修道的來聽講。就一位始開講。那白衣修道的漸漸都去了。單會長不去。這一位同會長說：我兩人昨承厚欵，受會長恩。今蒙會長命講道。我

們從命卽講方講時都去了沒有人聽豈有如此之理。會長說不須見怪我們都是魔鬼不能聽講天主事情。昨夜天主命我們造成這房屋爲爾們方便歇一夜。我們沒奈何就蓋造。今完了天主所命都要去說完連會長並房屋俱不見乃一塊空野地那兩人感謝天主遂起而去觀乎此可見魔鬼與事魔鬼之人俱不肯聽講天主事情。吾主同惡人說若是天主之人願聽講天主之道爾們既不是天主之人故不

肯聽。又吾主講道時。有一人同吾主說。母親親戚在外等。候吾主說誰是我之母。我之親戚。聽講者而順天主之道。卽是我之母。我之兄弟姊妹。故甘心聽講天主道理。爲將昇天享永福之兆。

善聽講有法。一是聽講之先。可想今去聽吾主講道。故吾主同講道者說。爾們所講。不是爾們講的。是吾父之聖神。與爾們講的。此是天主用人替主講。照他心能善講。而動人心順言。所以又說若人聽從爾們

話就如聽從我一般。若人輕忽爾們，即是輕忽我。二求天主開我心，能明白懷藏天主道理於心中。三、聽講時，要知是天主所命我的，堅志定守。四、用心詳細聽講，可想所講之理，是天主與我說不可說此話着此人。彼話着彼人。五、聽講完，總將所聽的心內默想。立志要守，求加寵庇。順天主命，到該行之機會，即要決行。

解罪之法

解罪是教中人絕妙工夫。救罪人不下地獄外。教人如在海上。飄浮將沉。教中人如在船上。不怕風浪。傳教者付聖水。如放一板在海上救渡他。他領聖水進教。如已得上船。不怕風浪。若再得罪犯誠。又如跌下水將沉。傳教者又放解罪第二板救他。罪人須要心願告解。如在海中將沉。心願求一板救之。故人當速解罪。不可遲久。蓋有罪人易又得罪。倍加其罪。如人

在海上。旣經一浪搘之。又被一浪攜之。再經數浪。必然沉溺。今初犯一大罪。雖該下地獄。告解天主赦。但又犯一大罪。直至屢犯不悛。必下地獄。又罪人若行善工。皆虛幻無功。又人敢得罪天主。卽該墜入地獄。若天主憐之。寬待他去改。卽是大恩。罪人輕忽主恩。遲改必至加罪。又如衣久汚難洗得潔淨。可見久罪欲改。亦斷然是難事。解罪時。鐸德念赦罪經。其罪卽減贖他不做魔鬼之奴。受天主聖寵爲天主義子。將

未得罪時所行功勞既得罪都散去告解復還歸又  
天堂永福中有分許多奇恩解罪時一槩都受有一  
人魔鬼藏匿其身能說人罪過一日見一大罪人魔  
鬼說此人是我朋友久相熟有某項罪某項罪播揚  
人知彼人羞愧痛悔卽去解罪後其人又來傍人說  
爾的朋友來了魔鬼說此人不是我不認得他此是  
好人有一寡婦外面似有善德做許多好事且施濟  
窮人甚多衆都稱他是聖女但秘密中有幾端大罪

後來有一人發隱微之事者號爲先知對國王說天  
主將罰天下爲人有許多大罪但不敢說明若說明  
人亦不信國王說豈有不信耶說與我知道我就罰  
他彼說某女人有某罪國王說此女人是極尊貴最  
大聖女如何能得許多大罪彼說命渠來若我不指  
証他真有此項罪可令燒我國王命女人來那人証  
他爾有某罪該死寡婦云此大事如何竊能對答來  
求寬我三日方能對答上允許寡婦便自思不能同

他對答免不得死。卽時去解罪。防便善死。過三日去國王前。那人亦去。王命再說他罪。那人見寡婦。便甚懼云。此婦人不是前日的。此人沒有罪。還近在天主聖母前保他。我今不能同他一齊在這裏就散。一陣穢氣不見了。衆都明白是魔鬼愈加敬重這寡婦。此等事有多端。教中人旣信。不須多講。但聽此等話。不可大胆放肆。因爲大罪人少有改。大槩未曾善解罪死。因大罪弄惡心。使難痛悔。

善解罪有四端一 是省察二是痛悔三是告解

四是補贖

善省察之法

人若妄行告解。不先省察便遺忘多矣。卽偶然都解不遺。亦是妄解。因爲故意險危。遺失。何能善解罪。省察是自己追想。從某日解過罪起。若總不曾解罪。從某日領聖水起。細察有甚麼罪。我從前善領聖水。否天主教諸端。未曾深信無疑。未嘗已棄。卽輕領洗

否。若已解過罪。要察善解罪否。後想天主十誡。教會四規。看每誠有犯否。又看五司七情。曾放肆否。又想有七罪宗否。十四神形哀矜之功。曾行否。又要分開大罪與小罪。各以類從。不可混雜。

或問要幾久省察。答云。定不得。有人易記得。有人難記得。有人久不解罪。有人每大瞻禮解罪。何能定幾久省察自己之罪。賢者云。若人要行大事。未行之先。幾久可想定善行模樣。若如此久省察。亦是善省察。

若人許久不曾解罪。要想已經幾年不曾解罪。又想此數年在何處做何事。同何友交。後想每誠看在某處作某事。同某友處。犯此誠否。如此細察諸誠。容易訖得。又人若肯一總解。是奇妙之事。或人幼年不知道。解不甚全。或鐸德新來。不甚曉音語。後來明白。總解極好。總解益加痛悔。益加謙讓。又前解罪。或有大罪。故意怕羞。瞞隱。或痛悔定改。不真不切。若是如此。一總解是極緊要事。亦要說有幾次妄解罪。幾次

輕領聖體。一總解罪。該七八日之前。同鐸德講問。何能善解罪更好。亦可想罪之惡。並四末及吾主苦難等。能動心極力悔罪。

每日省察之法

每日晚間省察。使解罪時可易記。不致難解。亦助我們能遷改。如商賈計利。必常算數。或拆本否。或得利否。爲靈魂大事。豈可不日日省察算數乎。

省察有五端。一謝天主諸恩。一求加寵照。能記罪惡

可遷改。三察今日之罪。或是念。或是言。或是行事。或是缺。如當做不做。從早至晚。一日所作之事。四痛悔。賴天主加祐定改。五求赦。後念天主經一遍。

人沒有大罪。是天主大恩。但無人免得小罪。雖聖人亦有小過。人若輕忽小罪。易陷於誘惑。易犯大罪。又小罪亦天主所厭棄。若在世時不做苦工補還。身後不免下煉獄。在火中補還。故小罪不可輕忽。小罪欵數不能盡述。今略列幾款。人人常有的。妄想

妄望世物。妄樂妄喜已事。妄疑人事。小怒虛費光陰。  
講閒語。說小謠讚美自己。罵人及狠言講小是非。笑  
人。看不可。看事物。聽不可。聽音語。懈惰爲善。飲食過  
度。做小不善。不合理事情等。

痛悔緊要有二。一是悔前罪。二是定心再不敢復犯。  
悔罪須向天主痛悔。就是或爲愛敬天主。此是完全  
奇妙痛悔。或是畏天主罰。此雖不甚好。解罪便已補  
之矣。

今且講諸理。能動人心之痛悔。想天主至尊至大全能者。造成天地人物而常保存。看天主奇異功行。不能不敬。今我輕忽至尊全能天主。敢犯主命。何能不痛悔。又想天主無限善德可敬可愛。看主慈悲公義全智等無限奇妙事情。必動心愛敬天主而反獲罪天主。豈有不痛悔之理。又想天主生我存養我爲我降生受難。被釘死贖我罪爲我能享永福。看吾主如此愛我。是我大父。我何能不愛吾主。若我有萬心。都

該愛主。看我得罪於天主。今爲愛敬一心痛悔。又想我罪惡無限。地獄之苦罰罪尚不盡。又想犯罪在至善天主前。作最可羞之事。何不痛悔我罪。又想我得罪於天主。做魔鬼之奴。不能昇天堂享永福。要下地獄受永苦。我得罪全能天主。世界諸難都所當受。不敢不悔我罪。要真心悔罪爲天主。若爲已作可羞之事。或爲怕刑罰。總不向天主不是超性之痛悔。不是善預備其解罪。

定改是真實決斷。再不敢得罪。亦須速遠去犯罪之  
端。若心裏不定。就是虛的。痛悔亦不可賴已力。須托  
賴天主寵祐。吾主功劳。及聖母之轉求。方纔定得。必  
要如此。可望天主赦罪。

有一大罪人去解罪。同聖人未增德拂勒拉解。最多  
最大之罪。他的心極痛悔。聖人說。沒有刑罰能補爾  
罪過。但爲爾如此極痛悔。命爾大齋做苦工七年。他  
下淚說。此罰亦輕。不稱我之罪。可憐我罪人。求命稱

我罪之重罰。聖人看他十分痛悔。說爲爾極痛悔。今去齋三日罷了。他越發痛悔。說罰罪如何。若此之少。可憐我命重重的刑罰。聖人說不怕。天主賜爾如此痛悔之心。是天主赦了。去念天主經三遍。聖母經三遍。他越發痛悔。叫喊去念一遍天主經。一遍聖母經。痛心死了。聖人就去祈求天主。爲他靈魂。天主顯示於聖人。此人靈魂爲極痛悔。速昇天堂。又一大罪人。極痛悔。在聖人安多尼之前告解。心甚痛之。出不得。

聲。聖人說。既講不得。去寫爾的罪回來。他都寫訖。往送此罪。欸與聖人看。聖人看之時。字跡都滅了。若無真心痛悔。雖解罪亦是虛的。有一個士人臨終。見免不得死。下淚告解。領聖體。行善死之善工。死後現其朋友。叫苦說。我在永苦地獄。此朋友說。何爲如此。爾已告解。痛悔下淚死。如何反下地獄。他云我之痛悔是虛的。到死時怕死。恐失世福。雖痛悔。不是爲怕得罪天主。可知解罪先痛悔。是要緊之事。雖無大罪。若

明白不痛悔。去解罪。是得罪於天主。輕忽赦罪之恩。  
但人雖不下淚。單單心裏發出。若真爲愛敬天主。痛  
恨其罪。真心定改。謂之純痛悔。這是動心下淚之根  
源。

### 善解罪之法

告解要全要真。盡所有之大罪。都要明白解。各罪類  
曾犯幾次。都一一明白說。譬如說我多次犯六誡。此  
不是全解。不是明白陳說。罪類要解。是男是女。或有

丈夫沒丈夫。有妻沒妻。亦不該說我犯多次。先要思  
算。後確實說有幾次。或不甚記明白。亦要說大約有  
幾次。差不多相去二三之間。若記不得。要說或一日。  
或一個瞻禮。或一個月內。差不多幾次。若想總記不  
得。不能說差不多幾次。要想一總是多是少。依此樣  
解方好。亦不可重復久說。恐又鎖碎太贅。該說犯誠  
總有幾遍言語簡切了當。方可。若故意剩一大罪。解  
不全。天主不但不赦不解之罪。連已告解的都不赦。

更大得罪於天主。此何罪。是輕忽赦罪洪恩之罪。  
真解。是用真實明白言語。若故意婉曲糊塗。或不曾  
做。妄認有某大罪。或疑的事說真。真的事說疑。此是  
告解不真。大得罪於天主。則所解之罪都不赦。要存  
謙下羞愧之心而去告解。不可如講話嘻笑一般。須  
要遵順鐸德命。亦該行鐸德所勸。

有兩位修道之人在街遊。忽值人請他說。有一閨女  
病重。要告解。兩位修道之人就去。一位聽解罪。一位

念經。閨女告解時。此位念經見。每每有一隻手黑黑的。拿住此閨女頸喉。解罪完。兩位修道出在路上。那一位見黑手的。說與這位聽解罪的知道。恐怕那閨女解罪不全。兩位就回去勸他。到他門首。聽見家內人叫苦。是這閨女死了修道人回去。是夜此位聽解鐸德。在天主堂祈求。就見一個可怕之高形。帶許多火煉。問他是誰。他答云。我是昨日解罪之閨女。我幼年時。一個人騙我。一次得罪後。總不敢犯。單是怕羞。

常解罪不全。亦每每敢領聖體過幾年。爾來這裡傳教。聽爾之話。是如箭傷我心。動心要全告解。復又怕羞不說。昨日見爾過街。定全告解。雖沒有病。假托有病。請爾來解罪。但亦是怕羞。告解不全。爾出去。我心悶死。下了地獄。今天主命說明我罪。爲爾傳與衆人知。勸人全解。說完不見其形。

### 善補贖之法

須知善解罪。其罪雖赦。尚要補贖罪罰。若在世時不

贖死後要在煉獄補還。若我做功勞或苦工或受難忍耐願中天主意都可補贖罪過。但最緊要是解罪時要極痛悔遵鐸德所命苦工及施貧困等當求鐸德命重罰又求所受患難所做苦工夫許爲贖罪因赦罪中之罰更能補贖我罪。若鐸德命我補還人銀物聲名就要順命速行。

改過遷善之法

赦罪洪恩雖容易受不可輕忽。是用吾主寶血無限

功勞赦我。我若不改。必輕忽吾主寶血。又慣得罪。後更難改。恐下地獄。可想罪之惡。罪之害。又想四未。並所受主恩。與吾主萬苦。定志堅心。決改不可忘記。善死由善生發出來。若魔鬼引誘。可想是我的讐。常願害我世俗。是我的親戚朋友。引我得罪。肉身搖動我之心。都是我讐。同魔鬼相幫害我。不可順他。須定日日念經求聖母。轉求天主。加我寵照。若得罪就痛悔做苦工。每月幾次解罪。領聖體。遠去罪端。謹守五司。

不敢放肆。



聖體畧說

或問聖體是甚麼。答說。聖體是吾主耶穌聖體。但旣是活的聖體。真是吾主耶穌在此。又問聖爵是甚麼。答說。亦是吾主耶穌聖血在內。但旣是在吾主活聖體中。亦真是吾主耶穌在此。則是吾主耶穌隱藏在麪酒形色之內。又不是吾主的畫像。是真正活的。實在麴酒形色內。如在天上全能天主聖父右座一般。但在天上。現見諸福者。在麴酒形色內。不現見世人。

吾主降麪酒形色內。因爲麪酒。係人日用飲食之糧。吾主備人靈冤神糧。用飲食常物。隱藏其中。養人靈冤。如飲食形糧。長養人肉身。生活不死。增加氣力。使能行百工。聖體養人之神。加聖寵功勞。使靈冤不犯死罪。增加神力。使能行諸般功勞。今詳細講聖體事情。一是吾主真實在麪酒形色中。二是可敬。三是可善領聖體。四默想聖體七端。

或問何知道聖體。是吾主真實在麪酒形色中答曰

若人不用超性的理想度此事必然人自不明吾主全能者至潔淨至尊貴在麪酒形色中此是超人性理之事吾主親口說畢竟要信但有多人不信輕忽此大事天主憐他屢在阿斯底亞中現見有時現見如最美麗嬰孩有時現見如釘在十字架有時現見如復活光耀屢次阿斯底亞流血濕聖爵下方幃今聖血跡現在尚能看見法蘭濟亞國聖王類思時天主堂顯見吾耶穌在阿斯底亞中如奇妙美麗嬰孩

衆人皆往觀。有奏告於類思聖王。欲其往觀。聖王謐爾們不信。方往觀我信。每日神目。常見吾主在阿斯底亞中。不須肉目見。今我教中人。當誠信無疑。聖體是吾耶耶穌在麴酒形色內。先時真正是麴酒。後鐸德替吾主念誦成聖體經言時。雖存麴酒形色。已去麴酒之體。而吾主聖體。便已藏在麴酒形色內。此奇異事。是吾耶耶穌親口說過。要信。若不信。便是大得罪於天主矣。

聖體可敬

至尊之主耶穌。全能者在此。豈可不極其尊貴。極其敬重。天神謙恭跪拜。魔鬼驚惧。吾人可不恭敬麼。試看禽獸尚屢次叩跪。有一驃三日未食。腹甚饑餓。纔把他食時。聖安多尼爲羞不信聖體者。命驃去拜聖體。卽棄食去叩跪。又有一愚人。將聖體置蜂窩中。想能令蜂成許多蜜。其蜂釀蠟成臺。成聖爵供聖體。其上衆蜂在下。作朝唱聲音。禽獸無知。猶敬聖體。况人。

含有靈性。安可不敬乎。

聖體可善領

天下誰人無罪。雖聖人常有小過。何人敢領聖體。真是可畏。但吾主極愛人。願吾衆俱領聖經中諄諄命人領聖體云。若不領。便不得常生永福。今吾主旣有命。吾人敢不順從其命乎。聖人波納文都喇。極願領聖體。但反觀已心。不純全。幾日不敢領。一日在堂聽彌撒。天神送聖體。聖人只見聖體。不見天神。謙遜走

避聖體隨從後聖人依吾主聖旨謙心敬領卽此可知雖極可敬亦極可愛愛情要勝過那敬情方好去領若人久不領爲心不純淨越久越不純淨領聖體是吾主入人心內令人心潔淨施功勞爲能復領譬如皇帝到貧人家裏必有許多寶物賜他令他收拾潔淨方宜駐歇今領聖體旣是緊要事人當敬謹專務善領善領有兩樣一是要緊的一是該當加敬吾主而倍其功要緊的謂神身潔淨謙心敬愛吾主熟

心去領。神潔淨。是無大罪。身潔淨。是將領前一日到  
半夜戒飲食。領聖體後過一二刻方可飲食。若先已  
飲食。那日不可領。若領。大得罪於天主。但若有重病  
臨終。雖已飲食了亦可領聖體。或人有大罪。不曾告  
解。就敢去領。是大得罪於天主。如又釘吾主耶穌於  
十字架一般。又要加敬加愛吾主。纔可去領。倘不敬  
不愛。如木偶人去領。亦不可。今講領聖體之先。該作  
何功。爲加敬加倍功勞。雖不作此功。亦沒有罪。若作

其功有大利益。

領聖體之先。告解之後。可行四功。其一。想望何客進我心中。就是吾主耶穌。全能者。造成天地萬物。而常主宰。生養存我至善之主。愛善者而賞。惡惡者而罰。又極愛我。寧降生被釘死贖我。其二。想吾主爲何又降吾心。總是極愛我。進我心中。合我之神。施已之善德。與我增其聖寵。加其神力。使能成善德積功勞。其三。想吾主降來。進我污穢心中。不厭棄我。合我有罪。

的神。雖惡我。雖然有小罪。亦赦。若有大罪。故意不解。實是可畏。今看吾主愛我至情。我豈可不愛吾主。想我罪。何能不痛悔。決志定改。其四想。該如何齊備。候此貴客。如何敬愛吾主。如何痛悔我罪。可望吾主施與我何事。吾主耶穌。自帶萬美好。特來施與我。豈可不望。何能不愛。如此準備。熱心去領。領時加敬加愛。善領聖體。全是愛情。吾主愛我降來。我熱心愛主去領。須分開善領與不善領。善領受許多奇妙之恩。不

善領受許多禍患之害

味德近多元侯。衣丐子衣。去看嘉樂大皇帝軍。事事都看。亦看彌撒。至教中人領聖體時。元侯見奇妙孩子。進入教中人口。但有<sub>吾主</sub>耶。耶穌懽喜入其口。有的<sub>吾主</sub>耶。耶穌憫入其口。元侯見之。卽時進教。

有一位聖人主教。許多人告說。某某兩人是惡人。聖人懷疑。不知真否。及大瞻禮領聖體時。見有面光去。領後發光。有而黑眼紅如血去。領後燒如火炭。

又見那兩人。一個面光去領。領了益發光。一個面黑去領。領說如火炭紅。天神說那兩人先是惡人。一個悔罪。定心改過遷善。已去解罪。一個不定改。聖人問惡人何能。卽有如此大光。悔罪告解領聖體。豈有得這樣大尊貴。天神答說。爾們人以爲怪。是不識天主無限慈悲。如此則可知罪人善解罪。不但天主赦他。亦加尊貴於天主前。

聖人偶地米柯見領聖體人。有許多受大光。亦有許

多昏昧如死者。故凡人要謹慎察自己之心。若是潔淨。方好去領。

領聖體後。可一二刻想。如神目見吾主坐在胸中。左右俱是天神敬拜。我當恭敬叩拜。熱心切愛。感謝吾主降我胸內。爲愛我。願賜我許多恩。若不賜我。是我心貪世事。願欲塞了。所以于天上事情厭倦無味。今吾主特來赦我罪過。滿我聖寵。懇求使我善領受聖體諸恩。奉獻我口與心于吾主。定要潔淨。勿使污穢。

念頭得進我心。潛留於內。勿說不善言語。若魔鬼引誘我見我心。是吾主所住的居。我口是吾主所由的路。如此潔淨。自然該退避他。

領聖體前後默想七端

第一端。想聖體包涵天主諸般奇妙之事。就是天主諸善德。吾主耶穌諸功勞。諸德業。救贖吾人。施聖寵。得永福憑據。且是吾主受難之真實表。昔日吾主在十字架上奉獻自己生命於聖父。以贖吾衆。今臺上

又奉獻自己於聖父。爲吾衆人能受洪恩第二端。想  
領聖體時。吾主耶穌聖之身。合我之身。吾主耶穌聖  
之神。合我之神。使我得聖寵之生命。吾主說。領聖體  
人在。我內我亦在他內。又說。我由聖父受生命。領聖  
體人。由我受生命。如食物體與人相結合。養人肉身。  
聖體結合人神。養人靈魂。但人食物。變物體作己體。  
吾主變領聖體之人。有主之事情善德。如一樹截去  
枝幹。另接好樹枝幹。兩相湊合。後由好樹生出好蔓。

領聖體的人亦由吾主能行功勞。

第三端想聖體真是第一件日用神糧所該常求所該常領若不領神力衰弱難免得罪靈冤易失聖寵易失天主義子之生命若不領難得久存聖寵之生命難能得永福則領聖體係緊要之事如病人若厭飲食其病必重人若厭領聖體雖無別罪必神內有重病須當求天上之醫用神藥

第四端想世人相約既許於人必以質爲信使人真

實信做此事。吾主旣許我永福。我信吾主所許不差。  
吾主還送我聖體爲永福憑據。是送自己永福之原。  
與我嘗嗜享受。聖保祿說。天主聖父送聖子與吾人。  
尚有何事不肯送乎。今旣吾主送自己與我。還有何  
好事不可望施我。看吾主愛我至情。我該如何愛吾  
主。

第五端。想聖體使人除昇天之阻礙。減少世情。令人  
不陷死罪。壯固人之心。易行永福之路。令我衆人合

吾主萬福之原。所以聖體稱永福行糧。亦是福者所享的福。但今遮蓋不見。我們昇天就明見享受該感謝天主大恩。熱心愛戴。

第六端。想聖體事情顯。吾主謙遜之情降在麪酒形色內。又降人汚穢之心內。又顯吾主順德鑄德念成聖體經時。吾主卽降來在內。又顯吾主忍德。就是主在其中。而罪人輕忽洪恩。吾主忍受不罰。則吾主愛人之情益顯。且諸德皆可效。亦可驚。吾人當作何感。

謝深愛吾仁慈之主

第七端。想吾主降在麪酒形色中。如乳母養我神。如  
醫士醫我病。又想今吾主來。有父親愛子至極之情。  
甚可親愛。亦旣是生死審判之主。故甚可畏。若我今  
不用吾主慈悲。改過遷善。日後審判。益加刑罰。如此  
想。激動我心。極愛極畏兩端之情。



彌撒奇妙事情畧說

彌撒是奉祭天主甚高奇妙之禮。不是人所立的。是吾主受難之先定的。是吾主受難真實之表。如吾主耶穌在十字架上。奉自己生命於聖父。贖吾衆。因此鐸德代吾主耶穌。奉其聖體於聖父。以爲吾衆。傳施吾主受難洪恩。能贖吾人之罪。能謝所受天主諸恩。能求所願萬德萬恩。能救煉罪靈魂。能悅福者之心。我等尊敬。奉主無窮功勞于聖父。但奉彌撒是尊敬。

天主至極因奉吾主天主聖父不能不愛吾耶穌則  
奉吾主耶穌於聖父不能不中聖父意可想吾耶穌諸  
奇妙事情都在彌撒中可知吾主不但是受難時愛  
我今亦極愛我受難時積無限之功勞寶藏與我今  
彌撒中又降來施功勞與我聽彌撒不但受許多神  
恩以能成善增加聖寵卽肉身亦屢受許多恩今且  
畧言以明之

有一幼年人父親教他日日聽彌撒若在天主堂時

有許多彌撒都要聽完。這少年是服事波而都加樂國王后。名意撒伯爾乃是成善聖女。這王后看他是善人。使他施濟貧窮內中有一人嫉妒他。告與國王說。恐這少年向王后不正。國王不察。輕信人言。因出遊見人燒灰。命燒雀人云。明蚤我着一人來問。昨日國王所命做之事曾做否。爾們聽這話。就拿他放在火窑中燒死。到明蚤。王着這少年去說話。他就去。路上見天主堂內做彌撒。依父親平日所言。進堂內看。

有做許多彌撒都盡聽許久。國王暗想此人必燒死矣。命昨日讒他的人往窯中問燒他不曾。此人去到燒灰處問那燒灰之人。昨日國王所命之事爾們會做否。燒窑人答而今正要做。卽時拿他放在窯中燒死。這少年聽完彌撒纔去到灰窯處問。昨日國王所命事會做否。他們說已做了。這少年回復於國王知道王怒說爾遲遲而行在路上作何事。他對說依父親平日之言。在某天主堂聽完衆彌撒。國王自思忖。

天主免此人不死。罰讒害他之人燒了。細察方知道王后愛這少年。因是善者。遣他施捨貧窮。謝天主免無罪的人。而罰惡者。

有一裁縫。只做粗工。所得工資。足養家人。他的朋友做得巧工。每每勤苦做工。夫所得工資反不足用。這巧工同這粗工說。爾工是粗的。又不長做工。反足用足養家人。我之工夫精巧。又長做工。反不足用。爾莫是得有寶藏。粗工答說。我真實有寶藏。爾若肯愛我。

的寶藏分些與爾亦可。我的寶藏就是未做工之先去聽彌撒後纔去做工。則天主降福于我之工夫受多利矣。

聖人額我畧云。有一人掠在遠國做奴。被鐵鍊鎖繫。他的妻子想他死了。每瞻禮求鐸德做彌撒爲他的靈冕。但做彌撒時。他繫的鐵鍊自放開。他亦不知其故。後得贖脫還家。方知道做彌撒之時。鐵鍊自開。有一人在鐵鑄內掘鐵。被土傾倒。填塞路徑。不得出來。

其妻以爲死了。每瞻禮送一枝蠟燭。一個饅首於天主堂濟貧窮。求做彌撒爲他靈冤。單單一個瞻禮。有事忙忘記去天主堂求彌撒。過一年。有人討鐵掘鑊。開復路徑。他尚在方得出來回家說。每遇瞻禮日。有一人到鑊裏安慰我。送一枝蠟燭照光。亦送一個饅首。只一個瞻禮沒有來。其妻方明白是天主之恩。有許多在煉罪地獄之靈冤。現見聖人尼閣老多冷地諾。求做彌撒。聖人於全瞻禮七日。俱做彌撒奉天主。

爲他後又見一個靈鬼。說許多靈鬼都免了煉罪。今代衆鬼謝聖人。如此聖跡甚多。不能盡述。

善聽彌撒之法。做彌撒的時。有許多天神在此。極敬極愛。感動聽彌撒者之心。使能愛敬天主。雖肉目不見。萬不可疑。如人君登殿。衆臣必然朝拜。豈有至尊上主從天降來。天神有不來朝拜者乎。有許多聖人曾親見吾人聽彌撒。當極敬極愛。默想彌撒奇異事情。始聽彌撒。該一心痛悔罪過。向天主望吾主來如

民望皇帝來想我今在世上。有世俗魔鬼肉身三處之敵。循環攻我。我罪蔽天。沒處走脫。但有天神報我主耶穌全能者降來救我。當立志望吾主。舉揚聖體之先。想天門開。吾主光照降來。舉揚聖體時。信吾主降臨其上。雖隱藏未見。真是吾主在此。况昔日吾主立聖體時。曾親口說過。要謙心愛敬。想吾主降來救我。施我自寶。死無窮功勞。如釘十字架時一般。奉吾主功勞於天主聖父。爲滅我罪。爲補還我所當受罪。

罰爲謝所受天主諸恩爲求望寵祐永福等諸恩  
鐸德領聖體我亦可神領神領就是願善領須悔罪  
心潔淨極愛極敬熱心願領痛悔罪後懇求吾主降  
來在吾神中謝吾主洪恩求加寵庇如實領一般這  
是神領神領不但聽彌撒時可行時時處處都可願  
望神領。

每日聽彌撒之法

主日聽彌撒先念悔罪經想在天主面前悔罪後想

天主生我在世上爲積功劳。死後昇天享永福而我  
罪人放肆爲惡犯天主命。險下地獄看地獄開。見地  
中火海。魔鬼卽扯我下火內。可驚可惧。痛悔我之罪。  
舉揚聖體時。拊心叩拜。想主從天降來。散流聖血贖  
我滅我罪。看吾主慈悲。我該一心愛主。若又得罪是  
又釘吾主十字架。今卽痛悔我所作之罪。定心決志  
再不敢復犯。求吾主爲五傷赦我罪。鐸德領聖體時。  
我亦願善領。求加神力。能改罪惡。懇聖母聖若瑟於

天主前爲我主保。堅心定志。速退不善念頭。爲中聖母意。

瞻禮二。悔罪後想吾人免不得要死。不知死之時候。又不知幼年或老年。不知今年或明年。今月與後月。今日與明日。亦不知或睡時忽然死。若有大罪死。如何是好。今須思算。定志速改。防備善死。

舉揚聖體時。拊心叩拜。想吾主被釘死。是爲我善死。得常生永福。我今奉吾主寶。死於聖父。求善死。鐸德。

領聖體時。我亦願善領。防備善死。求聖母聖若瑟於  
我死時。爲我主保。堅心定志。不說不善之言。爲中聖  
母意。

瞻禮三。悔罪後。想我死要到天主前審判。那時候若  
有罪。悔之不得。求不得。天主慈悲赦我。望不得。聖母  
轉求天主爲我。所以要預前防備。改過遷善。

舉揚聖體時。拊心叩拜。想吾主寶血。一滴便能救我。  
若審判時。便求不得。今聖體內。吾主寶血全有。在我

善用。痛悔我罪。決志定改。鐸德領聖體時。我亦願善  
領爲能遷。改懇聖若瑟求聖母轉求吾主耶穌。加我  
寵照。能改我驕傲之罪。效聖母謙遜之德。爲中聖母  
意。不敢妄疑他人。如吾主所說。不妄疑免審判。

瞻禮四。悔罪後。想地獄之苦。是在火中永燒。沒有窮  
盡。今人以一手指在火燒。尚忍不得。况全身神盡在  
火中。能當得乎。且看罪之樂速過地獄之苦。永受罪  
樂是下地獄之路。最是可怕可恨之事。

舉揚聖體時。拊心叩拜。想吾主被釘死。是救我不下  
地獄。今又從天降來救我。不可辜負吾主洪恩。須定  
志遷改。用吾主寶血補我罪。鐸德領聖體時。我亦願  
善領。爲能改過懇聖若瑟。求聖母轉求天主。爲我如  
聖伯爾納多云。若聖母一次求天主。爲此人其人可  
免不受永苦。因聖母之求天主。沒有不准當定志忻  
勤爲善去惡。爲不辜負聖母之求。

瞻禮五。悔罪後。想煉罪地獄之苦。是在火中燒爲煉

小罪。又若大罪雖痛解。但不曾做苦工。卽已做不足。還補。俱要在煉罪地獄補還。看一小罪。亦不是輕忽之事。當要戒慎。不可妄作。

舉揚聖體時。拊心叩拜。想吾主從天降來。爲我用他之寶血補我罪。今一總痛悔我所作大小諸罪。鐸德領聖體時。我亦願善領。懇聖若瑟。求聖母爲我托賴。定心哀憐在煉罪地獄靈冤。及世上衆貧窮爲中聖母意。

瞻禮六。悔罪後。想吾主爲我罪。受許多苦難。許多侮辱。釘死十字架。真實是愛我。而我忘恩之人。常得罪於吾主。我領聖水及解罪時。主之寶血。已洗淨我之靈冤。我又得罪復汚穢了。今可羞愧痛悔。

舉揚聖體時。拊心叩拜。想吾主從天降來。傳受難之恩。又奉自己無限功勞於聖父。總是爲贖我罪。熱心愛吾主。謝吾主洪恩。定心再不敢汚穢我之靈冤。若一污穢。便是忘恩侮辱吾主寶血。鐸德領聖體時。我

亦願善領爲得受吾主萬苦之恩。懇聖若瑟求聖母。  
替我謝吾主受難之恩。求寵照勿辜負吾主苦難定  
甘心忍耐世間一切窘難。爲中聖母意。

瞻禮七悔罪後想聖母是吾衆人主保慈母如慈母  
之愛子願人子好我今雖是罪人聖母亦保護求天  
主哀憐我。

舉揚聖體時附心叩拜想吾主如釘十字架時指聖  
母與我說是爾之慈母我今心中要懷念聖母愛聖

Les Sœurs Missionnaires  
de l'Immaculée Conception  
314 CHEMIN STE-CATHERINE,  
OUTREMONT - MONTREAL  
CANADA

母望聖母羞做不善事。定心遷改。鐸德領聖體時。我  
亦願善領。爲立心作善能稱人子孝聖母之志。懇聖  
若瑟求聖母。不因我可惱之罪而棄我。定心貞潔。爲  
申聖母意。



上卷終

彌撒奇妙事情

卷上

空

